

INUIT ATAQATIGIIT INATSISARTUNI



UKA2021/106

Ulloq 04-11-21

Knud Mathiasen

Siku Blocki malillugu nunatsinni sanaartornermut atugassatut pilersitsisoqarsinnaanera, taamaaliornikkut nunatsinni illuliornerup aningaasatigut imminut nammassinnaasumik ingerlanissaanut ilapittuutinngorlugu periarfissiuunnissaa pillugu Naalackersuisut UKA2022-mi nassuiaammik saqqummiusseqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Mariane Paviasen, Inuit Ataqatigiit)

Qujanaq Mariane Paviasen siunnersuuternut tamannalu pillugu Inuit Ataqatigiinniit imaattumik oqaaseqarfigissavarput.

Siunnersuut Naalackersuisunit tigulluarneqarnera nuannaarutigaarput.

Qammakkamik illuliorneq unammillernartuusoq tusarsimavarput, taamaakkaluartorli misileraanissamut kajumissuseqartoqarnera qujamasuutigalugu.

Nunatta pissarititai atorlugit nunatta iluani niuerneq Naalackersuisooqatigiit anguniagaasa ilagaat. Imminut pilersornikkut pisuussutigut nammineq pilersissinnaasagut amerlaqaat. Tamakkununnga ilaavoq qammasissiamik illuliornermi atorneqarsinnaasut Sikublockitut ittut. Taamatullu pilersitsiortornerit nunatsinnut siammarnissai pissanngatigaagut.

Taamatut naatsumik oqaaseqareerlunga.

Aappassaaniinnginnerani ataatsimiititaliamut susassaqartumut ingerlateqqipparput ataatsimiititaliarlu sulilluarnissaani kissaallugu.